

## Қариндошингиз билан алоқани ҳеч узманг!



14:00 / 02.05.2023 2409

Ғарб олимлари деярли ҳар куни одамларга бирор ижобий ишни тавсия қилмоқдалар. Ушбу тавсиялари эса күп ўринларда Пайғамбаримиз соллаллоҳу алайҳи васаллам томонларидан 14 аср олдин айтилган гапга ҳамоҳанг бўляпти.

Қабилалар, қариндошлар ўртасида арзимас сабаблар билан урушлар бўладиган, ўч олиш, қизларни тириклай кўмиш каби инсонийликка зид бўлган ишлар авж олган замонда Пайғамбаримиз соллаллоҳу алайҳи васаллам юборилдилар ва у зот алайҳиссалом инсониятни яхшиликка чорлаб, ёмонликлардан қайтардилар. у зот соллаллоҳу алайҳи васаллам одамларни урушишга эмас, аксинча, қариндошлиқ алоқаларни кучайтиришга, силаи раҳмга тарғиб этдилар.

Орадан 1400 йил ўтиб олимлар силаи раҳмнинг қандай сиру фойдаларини аниқладилар? Олимлар қариндошлиқ алоқасини мустаҳкамлаш борасида шундай натижага эришдиларки, бу натижа мулҳидларнинг “Қариндошлар билан борди-келди қилиш унчалик муҳим ишмас” деган гапини ботил гап эканини таъкидлади. Қариндошлиқ алоқасига эътиборсиз кимсалар яшайдиган жойларда “қариялар уйи” кўп топилади. Чунки, инсон кексайганда, атрофида болалар, қариндошлар бўлмаса, бўлса ҳам ёрдам бермаса, қариялар уйига боришга мажбур бўлади.

Британияда алигеймер билан касалланганлар сони 800 мингдан ортади. Алцгеймерга қарши курашишга ихтисослашган хайрия жамиятларидан

бирининг вакили “Касалликка чалингандар ёнида вақт ўтказиш муҳим иш. Ҳатто улар хотирасини бутунлай йўқотган, оиласини, дўстини таний олмайдиган аҳволда бўлсалар ҳам ёнларида ўтириш муҳим” деган. Беморлар билан бирга ўтириш уларнинг шодликни ҳис қилишларига сабаб бўлар экан.

Ғарб олимлари bemorlarning қариндошларига bemorlar bilan aloқani давом эттириш, гарчи телефонда бўлса ҳам гаплашиб туриш уларнинг саломатлиги тикланишига сабаб бўлишини айтмоқдалар. Британиядаги алцгеймерга қарши курашиш уюшмаси раиси Жереми bemorlar соғайиши учун уларнинг қариндошларига bemor яқинингиздан хабар олиб туринглар деб таъкидлар экан.

Кўплаб ўрганишлар bemorning соғайиши, оғриқларнинг бироз енгиллашиши учун қариндошларининг хабар олиши муҳим эканини таъкидлайди. Bemorlikka чалингандарини қариндоши кўргани борса, bemorning соғайиши тезлашар ва иммун тизимининг фаолиги ошар экан. Ёши катта bemorlardan хабар олиб туриш улардаги иммун тизими мустаҳкамланишига, тузалиш имконининг ортишига боис бўлар экан.

Бежизга Пайғамбаримиз соллаллоҳу алайҳи васаллам кўплаб ҳадисларда биз умматларини силаи раҳмга буюрганлар.

*Абдурраҳмон ибн Авғдан ривоят қилинади:*

**«Расулуллоҳ соллаллоҳу алайҳи васаллам:**

**«Аллоҳ таоло: «Мен Роҳманман. Раҳмни яратганман ва унга Ўз исмимдан исм қўйганман. Ким уни боғласа, боғлайман. Ким уни кесса, кесаман», деган», дедилар».**

**Шарҳ:** «Раҳм» бачадон дегани, бир бачадондан тарқалганларнинг бир-бирига яхшилик қилиши «силаи раҳм» дейилади.

Бу ҳадиси қудсийда Набий соллаллоҳу алайҳи васаллам Аллоҳ таолонинг қариндошлик алоқаларини боғлаш ва кесиш оқибатлари ҳақида айтган сўзларини баён қилиб бермоқдалар.

Абу Ҳурайра (розияллоҳу анҳу)дан ривоят қилинади. Расулуллоҳ (соллаллоҳу алайҳи васаллам): **“Кимни ризқи кенг ва умри баракали бўлишилиги хурсанд қилса, силаи раҳмни боғласин”**, дедилар (Имом Бухорий ривояти).

Бошқа бир ҳадисда эса Расулуллоҳ (соллаллоҳу алайҳи васаллам): **“Ким умрини узун, ризқини кенг бўлишини ва ёмон ўлимдан қутулишни ҳоҳласа, қариндошлари билан алоқасини тикласин”**, деганлар (Имом Аҳмад ривояти).

Ҳаммамиз умримиз узун, ризқимиз баракали бўлишини ва чиройли ўлим топишни истаймиз. Бу истагимиз амалга ошишини истасак, силаи раҳмга эътиборли бўлишимиз лозим.

Расули акрам соллаллоҳу алайҳи васаллам: **“Ким Аллоҳга ва охират кунига имон келтирган бўлса, силаи раҳм қилсин”**, деганлар (Имом Бухорий ва Муслим ривояти).

Бу ҳадисда қариндошлиқ алоқасини узмай, давом эттириш иймонга боғланяпти. Демак, мўмин-мусулмон одам қариндошлари билан алоқани узмайди, балки мустаҳкамлашга уринади.

Олимлар аниқлаётган, одамларга қилишни тавсия этаётган амаллар 14 асрдан бери Ислом динининг улуғ қўрсатмалари сифатида амал қилиб келинаётгани Ислом нақадар ҳақ дин эканини, Пайғамбаримиз соллаллоҳу алайҳи васаллам Аллоҳ таолонинг ҳақ пайғамбари эканликларини қўрсатмайдими?!

Аллоҳ таоло ҳаммамизни Ўзининг ҳидоятидан айирмасин ва хотимамизни чиройли қилсин!

**Абдуллоҳи Каҳел мақоласидан Нозимжон Ҳошимжон тайёrlади**